

# KAÁ INATAMONK MAAMIINWAHCIKEWIN ONAHKONIKEWIN

---

## **Tahso ahki anohkiiwi tipaacimoowin**

**Kaakii Oshipihank  
Manitoba Anishinini miina Otenaa Wiitanohkiimitiwin**

**Saakipakaawikiisihs 2016**

## **Kaakii piishicikaaniwank**

Ihima Saakipakaawikiisihs niishin, 2015, ahawe Truth and Reconciliation Commission (TRC) ohomaa Canada okii pakitinank otipaacimowin, Cikitencikaatek Tepwewin, Maamiionamahk niikaan Wiitaatsiimitowin: Kaa tahkwesink kaa Kiishicikaatek Tipaacimowin ahawe Tepwewin miina Kaa maamiionikaatek Wiitatsiimitowin Anohkiiwin Canada kaa tootank kaa kikihsinkin shankahsomitana niwishaap kanoocikewinan ke wahkawiinoncikaatekin. TRC okii pakitinaan okiishaacimowin ihimaa Makoshewikiisihs niyaananoshaap, 2015.

Kaakii ishkwa pakitinank TRC okiishaacimowin, Manitoba okimaak kii kakwecimaawak ciwinahkonank cimatanohkaatenik, ciniikaanishkamiwaac Otahkwahike Apiitamaakek, cikikiic Anohkiinaakan Okimaan maayaam kaa anohkawaac miina Okimahsan, ke wahkawiinontamiwaac shaankahsomitana niwishaap kanoocikewinan ke wahkawiinoncikaatekin. Mii ohomaa kaakii ani onahcikaatek Kaa Inatamonk Maamiinwahcikewin Onahkonikewin kaa ishi masinahikaatenik Okimaawin otashotamaakewin cimaamiinwahcikec kaa onci tipaatotenik, kaawin tashwiin iko ehta TRC kaa kanotank ke wahkawiinoncikaatenik.

Niishwaaso ahtewan kaa kitentaakwahkin ihkitoowinan kaye:

1. Kaakii piishi anohkaatek Onahkonikewin miina kaashi wiincikaatek ehkitoomakahk miina kaawii inapatahk;
2. Kekonen kaa icikaatek maamiinwahcikewin kaa itank TRC otipaacimowinink;
3. Onahcikewinan kaa kiciinentank Okimaa keni kaa kwayahkoshimikonic omaamiinwahcikeman;
4. Eshi onahsaac Maamiinwahcike Okimaan keniikaanishkaminic Okimaa kaawii ishi wiicihtooc wiitaatsiimitowinini;
5. Keshi wiincikaatenik otashotamaakewinan Okimaa kaawii aniishi anohkaatank maamiinwahcikewinini;
6. Keshi tipaatotenik tahso ahki an eshi pimanohkaatank cipakitinikaatek Okimaawikamikoontahso shooniyaawahkiink; miina,
7. E-ashotamaakec ciyinwehcikaatenik Otoonahkonikewin kahkina niishwaahso anishininii mowinan kaa kikihsinkin ihimaa Anishininiiwikiishwewinan Kaashi Nisitawinikaatekin Onahkonikewinink.

Kaa Inatamonk Maamiinwahcikewin Onahkonikewin mii iwe nishtam maamiinwahcikewin onahkonikewin ohomaa Canada. Mii enaapatahk Manitoba cipiminishahank maamiinwahcikec kaye keshi pimi wiitanohkiimaac Anishininiwan ani oshihtoooc miina maatanohkaatan maamiin wahcikewinini.

### **Kaawii inahkeshkank**

Manitoba Okimaa pakitinitiso ewii maamiinwahcikec, ihiweni ota maayaam keshi kanootek moonshak miina weshkac kaakii pi maci tootawaakaniwiwaac otishkooniik miina ci maamiinwah cikec kaashi wiitaatsiimitinic Anishininiwan miina Wemitikooshiwan ohomaa Manitoba. Kaawii maamiinwahcikaatek wiitaatsiimitiwin kitenimitiwin ci ayaak Anishinini miina Wemihtikooshi keshi wiitanokiimitiwaac, ci winencikaatek ani maayaam ke ishickaaniwank ehta ta ishise maamaw toocikaatek miina tetako wiitanohkiimintwaa Anishininiwak. Miina mishiinwayek, ci wiitanohkiimintwaa kahkina awiyak ohomaa kaa kapeshiwaac.

Okimaawin oka aapacitoonan kitenimiwewin, nisitohtamaawin, kakanooniwewin miina wahka wiiwin wiitaatsiimitiwin kaa anohkaatan. 2016/2017 tamaacihcike Manitoba Okimaa cikanoo naac Anishininiwan aaniinihi keniishi maatanohkiic.

### **Keyishickaaniwank minikohk 2016/2017**

Oshki Okimaa owii maatanohkaataan Kaa Inatamonk Maamiinwahcikewin Onahkonikewin miina pakitinitiso tepwe ewii maamiinwahtooc wiitaatsiimitiwin. Oshki Okimaa oka piminishahaan kanocikewinan kaa ahtekin TRC miina kaa ishiihikaatek United Nations on the Rights of Indigenous Peoples, kaa inahtek Onaahkonikewinink.

Ohowe mekawaac, oshki Okimaa onoocitoonan ishisewinan kaa kiciinentaminic Anishininiwan ohomaa Manitoba. Ohoweniwan kaye:

- Maankokiisihs 3, 2016, oshki Okimaa okii otaahpinaan niishoshaap Cabinet Okimaan kemiinaanic ci anohkaataminic Kaa Inatamonk Maamiinwahcikewin Onahkonikewin Okimaan Minister of Indigenous and Municipal Relations.
- Okimaa Minister of Indigenous and Municipal Relations okii wiitapimaan mishiin Anishininiwi pimiwicikewinan ahpin kaa maacii okimaawic. Mii iko kiyaapic eshi naa nakishkawaac.
- Saakipakaawikiisihs 10, 2016, Kici Okimaa, Ahkiiwikimaa miina Kiiwetinoonk Okimaak kaa anohkawaawaac Anishininiwan okii nakishkawaawaan Assembly of First Nations, Metis National Council, Inuit Tapiriit Kanatami, Indigenous Peoples' Assembly of Canada and Native Women's Association of Canada ewii wishki wiitanohkiimaac kewinci minosenic Anishininiwan miina ciwiicitooc maamiinwahcikewinini ohomaa Canada. Okimaak miina Okimaahkaanak kii nahkomitiwak oshki wiitanohkiimitiwin

ciwinahcikaatek Kici Okimaa, Ahkiwikimaa, miina Anishinini okimaak keyaapacitoowaac ci ishkwa aapatahk Aboriginal Affairs Working Group.

- Makoshekiisihs 8, 2015, Kici Okimaa Minister of Justice and Attorney General of Canada, Kici Okimaa Minister of Status of Women miina Kici Okimaa Minister of Indigenous and Northern Affairs okii onahtoon Kici Naanaakatawencikewin Kaa Wanihintwaa miina Kaa Nisintwaa Anishininiikwek miina Oshkiniikihkwek. Naanaakata wencikewin owii nanaantonaan ihkitoowinan kekii ishi wiicihaac moonshak kaa miikaa niminc ehkewan miina oshkiniikihkwen. Oshki okimaa tetako owiiwiichihtoon kici naanaakatawencikewinini. Keshi anohkaatek miina keshi wiicicikaatek mekwaac payahte wiincikaate mii tash eshi ashaweniminc Manitoba otahkiimink citashi wiichihtoo naanaakatawencikewinini.
- Anohkiinaakanak ihimaa Manitoba Indigenous and Municipal Relations otanohkaataa naawaa ciyinwehtamiwaac Kaa Inatamonk Maamiinwahcikewin Onahkonikewin Mushkiiko, Dakota, Dene, Inuktitut, Michif, Ojibway miina Anishininiimowin. Ahpii kiishcikaatekin, anishininiwipiihikanan tamaamiinaawak kahkina awiyak.

### **Keyishcikaaniwank minikohk 2016/2017**

Kaa Inatamonk Maamiinwahcikewin Onahkonikewin kii shaaponikaate Minkisiwikiisihs 15, 2016 miina oshki Okimaa kii onahsaa Maankokiisihs 3, 2016. Okimaa oka anohkaataan 2016/17 ani nishtam keyishi naasihkawaac Anishininiwi Okimaan keyitaminic wiitaatsiimitiwin maamiinwahcikewin. Ekwa nishtam ishkwa piwinahcikec ishi naake tash miinawaa ekwa tepwe tayishaa, ishkwa piniikaa ni kiiwikec.

Kaa ishi mankanashkaak maamiinwahcikewin, miina mishiin awiyan kaa okimaakantawaac, kaa papaamisiikantawaac, miina ke tipacimohtaakec kiciisewinan kaa inohkwaanik otokimaa owin, otanohkiinaakanan ciwiicikaapawiihtaakoc miina otaapacihtaakaniwaa cikashkitoowaac kaawii ishikewaac.

Ohowe tash mekwaac kaani onahcikaatek, Okimaa kii ihkito ewii mino wiitanohkiimaac miina kitenimiwewinink Anishininiwan miina ishkonikanan ohoweniwan ewii tootank:

- Ihimaa Manitoba tipencikewinink, oshki Okimaa okii onahtoon Apinoonciishish Kanawencikewin Onaahkonikewin The Protecting Children Act ciwencitooc Okimaa anohkiinaakanak, apinoonciishishikimaak, ishkonikanink wiicihewinan miina Shimaaka nishak ciyaapacihitoowaac miina ciwiitanohkiimitiwaac kaa anohkaanaawaac kaa macihsenic apinoonciishishan.

- Ihimaa Manitoba tipencikewinink, Okimaa tayinahcike paahpahkaan ciishi wiitanohkii maac Anishininiwan miina Wemhtikooshiwan kewinci kashkihtoonic ciwiwaahkaahikani nic Anishininiwan ihiwe taapishkooc ciwiitanohkiimaac Manitoba Real Estate Association Manitoba Ahkiini Kaa Ataawakewaac miina Kaaohkwapiwaac Manitoba Okimaahkaanak.
- Ewii aapacihaac Manitoba Okici Onahcikewiniwaa miina Manitoba Anishinini miina Wemitikooshi Kaashi wiitanohkiimitiwaac, Okimaa oka onahtoon mooshkipii wiicihewin Manitoba kaa kapeshinic ci minosenic, nishtam kewinciwaniinik ahpii ani mooshkahank ihimaa Lake Manitoba nehkeyahii.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, Okimaa oka onahtoon kakwetwewi anohkiiwin keyishinaakwahk kihtenimiwewinink miina payahtak cinaasihkawaac Anishininiwan.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, Okimaa oka onahtoon kitenimiwewinink miina keshi minosenik wiitanohkiimitiwinini kahkina kaa inahtenik otookimaawin cikakiihtaawi aapacihtooc ahkiini.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, Okimaa oka wiitanohkiimaan Kici Okimaan cinanki wiicihaac ishkonikanink otishkooniin.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, oshki Okimaa oka kihtenimaan miina cimino wiitanohkiimaac kiiwetinoonk Manitoba kaa kapeshinic.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, miina Manitoba Growth Enterprise and Trade, Okimaa oka wiicihaan Otenaank Anishininiwan Ontaaci howin Onahcikewinan ciwiitanohkiimaac Anishininiwan maamaw ciwishitoowaac anohkiiwan miina ke ontaacihonic.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, Manitoba Sustainable Development, and Manitoba Growth, Enterprise and Trade, Okimaa oka kihtenimaan miina cimino wiitanohkiimaac kiiwetinoonk Manitoba kaa kapeshinic, ciwinahtoon ehta keshi aapatahk kiiwetinoonk Manitoba eshinkaatek Enha! Kiiwetinoonk.
- Ihimaa onci Manitoba Anishinini miina Wemitikooshi Kaashi wiitanohkiimitiwaac, Manitoba Sustainable Development, and Manitoba Growth, Enterprise and Trade, okimaa oka onahtoonan wiitanohkiimitiwinan ciwincipoonaac oshki anohkii onahcikewinan , ciwiicihaac omaatanohkiin, miina cimishaacikaatenik anohkiiwan ciwintinank kwayahk anohkiiwan miina cimashkawiimakaninik anohkiiwan kiiwetinonk, ihiwe citootank 1)kinwensh anohkiiwin ci ayaakin kaa onciimakahkin ahkiikaank, manahtikwewinink miina maayinishikewinink miina 2) opikiiwikek ciwinci

shooniyaakantawintwaa, kaye kici kinooshe kanawaapancikewinink, waapahkwa miina wawatay kanawaapancikewinink, kinooshekewinink miina antawencikewinink.

- Ihimaa onci Manitoba Sustainable Development, Manitoba Kinwensh Ontacihowin Pimiwicikewin, oshki Okimaa oka onahtoon keyishi wiici kanawaapancikemaac ciishi kakwecimaac Anishiniwan, Aapihtawikosisaanan miina otantawenciken miina okwaashkwepinen kaa omasinahikewininic kewinci kanootamiwaac miina kwayahk kewinci kanawenimintwaa awiyaashiishak.
- Ihimaa onci Manitoba Sustainable Development, Manitoba Kinwensh Ontacihowin Pimiwicikewin, Okimaa oka onahtoon kewinci pikiiwemakahkin anohkiiwinan miina otenaasink miina kiiwetinoonk, ihiwe mekwaac kaye kwayahk cikanawencikaatek pikwatahki Manitoba opimiwicikewinink.